



Kaupapa
Mīharo

Wero
Tākīrirangi


Ngā Tohutohu mō te Whāinga 2:
Kia kaha te pātai

Tīmata ai ngā kaipūhanga i ā rātou kaupapa mā te tuku i ētahi pātai maha. Mā konei rātou e mārāma ai ki te raru e whakatikahia ana.

Ko te raru nui katoa hei whakaoti māu:

Me pēhea e rere ai te tākīrirangi?

Tīmata i te whakaaro ki ō whāinga, ki te ara hoki e whakatutukihia ai ēnei.



E whakaaroaro nei au, he aha rā ā tātou whāinga?

Ko te whāinga matua i te Wero Tākīrirangi, ko te tuku i tētahi tākīrirangi kia rere tika. He aha te tikanga o tēnei ki tō rōpū?

Hei tauira: Ko tā mātou whāinga, kia teitei ake te rere o te tākīrirangi ki tua atu i te pou piro o te whira o te kura.

E whakaaroaro nei au, he aha ngā pātai hei patapatai atu?

He aha ngā mea me mōhio rawa e tutuki ai ngā whāinga?

Hei tauira: E whakaaroaro nei au, ka pēhea te tākīrirangi e wehe ai i te papa?

E whakaaroaro nei au, he aha ngā raruraru me whakatika?

He aha ngā raru ka ara ake pea?, Mā te whakaaro atu e wawe ake ai pea te kite i ngā rongoā.

Āe rānei, e tika ana te nui o te whira o te kura mō te terenga?